

Affectus, arctam inter se cognationem qui habent, sapèque conjunguntur ac communicant, sunt; uti id *Marcell: Donat. Histor. med. admirab. l. 4. c. 8.* exponit. Quorum *prior* amplioribus continetur terminis, latiusq; se diffundit, multorumque affectuumque causas supeditat, variisque symptomatibus stipatus prodit, mutabilemq; in omnes horas ostendit faciem, ac præsentì nostro plerumque fomitem suggerit. *Alter* verò specialior est, ac strictioribus aliquanto coërcetur finibus. Dum nimirum humor melancholicus; vel solus, vel ut plurimum cum aliis mistus, in hypochondriis collectus: flatus vapores ac fumos, sibi congenere, ac tetros, tenebricososque, ad cerebrum rationis arcem mittit, spiritusque, primarium functionum principum organum ac instrumentum, inquinat, eosque obscurat, ac tristitiam & mœrorem, cum imaginationis depravatione, rationisque labe, inducit.

APHOR. III.

Definiri potest.

Delirium non continuum, cum mœrore & tristitiâ conjunctum, à vapore melancholici humoris præter naturam in hypochondriis cumulati, & peculiariter dispositi, in cerebrum elevato, spiritusq; inquinante ac melancholicum phantasma generante, ortum habens.

χόλιον.
Nominiis declarationem meritò rei ipsius excipit expositio. Cujusque rei essentia verò ac natura, quidque ea sit, ex definitione maximè cum pateat ac perspiciatur, genuinum nos tenere ordinem videbimur; si præmissæ vocis deductioni, hanc subjiciamus; ejusque membra singula, quâ se insequuntur serie lustraverimus ac ad rectæ rationis incudem revocaverimus, experienciâque confirmata dederimus. Initium itaque à genere ejus sumamus.

APHOR. IV.

Genus delirium, seu mentis alienatio ac error est.

χόλιον.
Homini mentem à Deo inditam, eumque à summo rerum Condi-

Genus
proxim.